



**UDRUŽENJE GRAĐANA ZA POVRAT STARE  
DEVIZNE ŠTEDNJE U BiH i DIJASPORI**

RAIFFEISEN BANKA  
ž.r. 1610450036820073  
e-mail: [nnisic@spinter.net](mailto:nnisic@spinter.net)  
[www.starastednjabh.org](http://www.starastednjabh.org)

Sjedište: Banja Luka 78000  
I. G. Kovačića 139b  
tel. 051/380-738  
fax. 051/381-374

UPRAVNI ODBOR

Broj: 1541/10

Banja Luka, 06.03.2010.

**OTVORENO PISMO OHR-u SARAJEVO**

Poštovani,

Od svog osnivanja Udruženja građana za povrat stare devizne štednje u Bosni i Hercegovini i dijaspori bori se za pravično obeštećenje vlasnika stare devizne štednje, ali i za kažnjavanje svih koji su učestvovali u pljački stare devizne štednje. Iz ove pljačke direktno porijeklo vodi najveći dio korupcije u Bosni i Hercegovini. U svom radu smo otkrili mnoštvo kriminalnih aktivnosti na koje smo ukazivali i tražili krivično gonjenje počinitelaca izvršene pljačke.

Obraćali smo se svim dosadašnjim visokim predstavnicima i od njih tražili podršku za svoj rad. Na žalost nismo dobijali adekvatnu pomoć.

Naša najnovija otkrića nedvismisleno dokazuju da je u najvećem dijelu privatizacija u Bosni i Hercegovini najobičnija pljačka kreirana u uskim krugovima, a realizovana u APIF-u i AFIP-ovima zloupotrebom stare devizne štednje.

Imamo u posjedu pouzdane dokaze iz kojih se vidi da je u procesu privatizacije kupovina državnog kapitala vršena fiktivnom, nepostojećom starom deviznom štednjom. Na taj način papirima bez ikakvog pokrića lažno je prikazano i iskorišteno u privatizaciji više od milijarde KM. U suštini je u pitanju veoma jednostavna pljačka, ali je zbog drskosti na koji je realizovana šokantna i teško shvatljiva umu običnog smrtnika.

Mislimo da je, cijeneći mjesto i ulogu Visokog predstavnika koju mu daje Dejtonski mirovi sporazum krajnje vrijeme da se preduzmu odlučni potezi u obračunu sa kriminalom i korupcijom. Od Vas prevashodno očekujemo da naložite prekid produženog roka za verifikaciju stare devizne štednje, jer je to jedan od instrumenata koji se koristi u pljački. Isto tako očekujemo da se od istražnih organa zahtijeva provođenje nove istrage, aktiviranje onih koje su na čekanju. U pitanju su u suštini jednostavni postupci jer mi imamo najvažnije dokaze.

O svemu što smo otkrili obavijestite mo Evropski sud za ljudska prava u Strazburu i Savjet Evrope, koji nas podržava jer organizovane kriminalne aktivnosti odobrene i tolerisane od vlasti u Bosni i Hercegovini itekako mogu imati uticaj na postupke koji se vode pred ovim Sudom.

Realizacijom našeg zahtjeva bio bi zadan prvi direktni udarac i uzdrmani temelji kriminala i korupcije sa dalekosežnim pozitivnim efektima u budućnosti. U pitanju je proces koji za posljedicu mora imati poništenje najvećeg dijela privatizacije, ali sigurno je da je bolje da se to desi danas nego li sutra ili prekosutra.

Suzbijanjem kriminala i korupcije je značajnije nego li veliki broj reformi na koje se troši vrijeme i novac. Eliminacijum ovih pošasti stvorilo bi se okruženje u kome bi se daleko brže mogle sprovoditi sve reforme i odlučnije krenulo ka Evropskoj uniji.

S poštovanjem,

Za Upravni odbor  
**PREDSJEDNIK**  
Svetozar Nišić